

A Zvidzidzo kubva pakuparadzwa kweJerusarema:

❖ Kurambwa kwerudo rwaMwari.

- Jesu akachema paakanga ava kusvika kuJerusarema (Ruka 19:41-44). Aiziva kuti vaizotambura izvo zvaiva zvakafanira nokuda kwokuramba kwavo uye vakasindimara pakudanwa kworudo rwaMwari (Matt. 23:37).
- Akachema nekuti njodzi yacho yaigona kunzvingwa. Nokuti Mwari anotida zvikuru zvokuti haadi kuti mumwe munhu afe, asi kuti munhu wose ave noupenyu husingaperi(Jn. 5:39-40; Izik. 18:31-32).
- Nhorooondo inotiudza kuti vaJudha vakapanduka mugore ra66 pakubatwa zvisina kufanira navaRoma. Mapoka akasiyana-siyana echiJudha akarwisana, apo vaRoma vakakomba guta racho. Mugore ra70 zvinhu zvose zvakapera. Tito akaparadza Jerusarema neTemberi. MaJuda miriyoni imwe chete akaparara.
- Asi nhorooondo haitiudzi kuti Satani akakurudzira sei vaJudha kuti vapanduke, uye vaRoma kuti vatsive. Kuparadzwa kweJerusarema rakanga riri basa radhiabhorosi. Kubudikidza nokutsauka patsime roupenyu, Isiraeri yakanga isisina dziviro kumuvengi anotsvaka bedzi ruparadziko norufu.

❖ Hanya yaMwari kuvanhu vake.

- Murudo rwake, Mwari akapa mukana kumunhu wose aida kupukunyuka ruparadziko. Akapa chiratidzo: Jerusarema rakakombwa nematico (Ruka 21:20).
- Gaius Cestius Gallus akazadzika chiratidzo ichocho mugore ra66. Kukomba kwakabviswa, uye mutungamiriri weZealot(boka remaJudha rairwisa hutongi hwemaRoma) anonzi Eleazar ben Simon akadzingirira vaRoma ndokuvakunda.
- Munhu wose aitenda mashoko aJesu akashandisa nguva iyoyo kutiza apo Jerusarema rakasiyiwa risina kurindwa.
- Mushure memwedzi mishomanana yakateera, Nero akatuma Vespasian kuti anomisa kupandukira uku. Kubva mugore ra67 kusvika ku70, kukomba kwacho kwaiva kwechigarire.
- Mwari anogona uye anoda kudzivirira vana vake, kunyange munguva dzakaoma zvikuru (Mapis. 46:1; Is. 41:10). Zvisinei, vakawanda vakarasikirwa noupenyu hwavo nemhaka yokutendeka kwavo kuna Mwari(VaHeb. 11:35-38).
- Ngenyi vamwe vachidzivirirwa uye vamwe, sezviri pachena, vachiraswa naMwari?

B Zvidzidzo kubva kumaKristu ekutanga:

❖ Kutendeka pakutambudzwa.

- Mavambo aiva netariro zvechokwadi: kutendeuka kwaisvika zviuru (Mabasa 2:41; 4:4); vatendi vakaparidza nesimba (Mabasa 4:31; 5:42).
- Asi muvengi akanga asina kugadzikana. Akatanga nekutyisidzira(Mabasa 4:17-18); ndokutevera, zvirango (Mabasa 5:40); pakupedzisira, rufu (Mabasa 7:59).
- Nokuda kwekutambudzwa kwakamutswa naSauro, vadzidzi vakapararira (Mabasa 8:1). Asi, kure nokudzima kwechiedza, nemhaka yokutendeka kwevatendi, chakapenya nokupenya kukuru zvikuru munyika yose yaizivikanwa (Mabasa 8:4; 11:19-21; VaRoma 15:19; VaKorose 1:23).
- Jesu akanga apa Sangano Rake basa nesimba rokuriendesha mberi (Mabasa 1:8). Hapana simba, renyama kana remweya, rinogona kumisa kufambira mberi kwevhangeri(Matt. 16:18). “Kana Mjari acitirwira, ndianiko ucatirwisa!” (VaRoma 8:31).

❖ Batsirai avo vanoshaiwa.

- Evhangeri yakaitei pamaKristu okutanga (Mabasa 2:42-47)?
- Sevamiriri vaKristu, vakatevedzera Jesu. Kuburikidza nokutarisira zvinodikanwa zvaavo vakavapotedzwa, vakawana tsigiro yeguta rose.
- Senguva iyoyo, Sangano rinofanira kuonekwa nerudo rwemaKristu kune mumwe nemumwe, uye nehanya nenharaunda yavo.

❖ Rudo, chiratidzo chedu chekuzivikanwa.

- Rimwe nerimwe remapato ari mukurwisana kwemuchadenga nepasi rine maitiro aro: Satani anovenga uye anoparadza; Mwari anoda uye anodzoredzera.
- Vateveri vebato rimwe kana rimwe vanoita zvinoenderana nemaitiro aya. Kana tikatevera Mwari, tichazviratidza norudo runoratidzwa vamwe (1Jn. 4:20-21).

- MaKristu vomuzana remakore rechipiri nerechitatu vakashandisa rudo rusina udyire. Mukati mehosha mbiri huru (mumakore 160 ne265), vakazvitsaurira vamene kutarisira avo vakanga vawirwa, pasina kurangarira chengeteko yavo vamene.
- Vakazvipa nokuda kworudo, uye vakabetsera mamiriyoni avanhu. Asi havana kuita kuti vapihwe mbiri ivo, asi kuna iye wapakanga vachida kupa upenyu hwavo nokuda kwake, Muponesi wavo: Jesu.